

摩訶般若波羅蜜經

卷二十一

六十六  
鹹十



47447





元祿九年丙子二月日重脩

皇圖聖圖 帝潛銀昌

佛日增輝 慧輪空轉

山城州天安寺法金剛院置



摩訶般若波羅蜜經卷第三十

姚秦三藏法師鳩摩羅什共僧叡譯

薩陀波菴品第八十八

佛告須菩提菩薩摩訶薩求般若波羅蜜當  
應如薩陀波菴菩薩摩訶薩是菩薩今在大  
雷音佛所行菩薩道須菩提白佛言世尊薩

陀波菴菩薩摩訶薩云何求般若波羅蜜佛  
言薩陀波菴菩薩摩訶薩本求般若波羅蜜

時不惜身命不求名利於空閑林中聞空中  
聲言汝善男子從是東行莫念疲極莫念睡  
眠莫念飲食莫念晝夜莫念寒熱莫念內外  
善男子行時莫觀左右汝行時莫壞身相莫



壞色相莫壞受想行識相何以故若壞是諸  
相於佛法中則為有礙若於佛法中有礙便往  
來五道生死中亦不能得般若波羅蜜爾時  
薩陀波菴菩薩報空中聲言我當從教何以  
故我欲為一切衆生作大明欲集一切諸佛  
法欲得阿耨多羅三藐三菩提故薩陀波菴  
菩薩復聞空中聲言善哉善哉善男子汝於  
空無相無作之法應生信心以離相心求般  
若波羅蜜離我相乃至離知者見者相當遠  
離惡知識當親近供養善知識何等是善知  
識能說空無相無作無生無滅法及一切種  
智令人心入歡喜信樂是為善知識善男子

汝若如是行不久當聞般若波羅蜜若從經  
卷中間若從菩薩所說聞善男子汝所從聞  
是般若波羅蜜處應生心如佛想善男子汝  
當知恩應作是念所從聞是般若波羅蜜者  
即是我善知識我用聞是法故疾得不退轉  
於阿耨多羅三藐三菩提親近諸佛常生有  
佛國中遠離眾難得具足無難處善男子當  
思惟籌量是功德於所從聞法處生心如佛  
想汝善男子莫以世利心故隨逐法師但為  
愛法恭敬法故隨逐說法菩薩今時當覺知  
魔事若惡魔與說法菩薩作五欲因緣假為  
法故令受若說法菩薩入實法門以功德力

故受而無所染又以三事故受是五欲以方便力故欲令衆生種善根故欲與衆生同其事故受汝於是中莫生汙心當起淨想自念我未得溫和拘舍羅大師以方便法爲度衆生令獲福德故受是諸欲於菩薩智慧無著無礙不爲欲染善男子即當觀諸法實相何等諸法實相所謂一切法不垢不淨何以故一切法自性空無衆生無人無我一切法如幻如夢如響如影如焰如化善男子觀是諸法實相已當隨法師汝不久當成就般若波羅蜜復次善男子汝當復覺知魔事若說法善薩見欲受般若波羅蜜人意不存念汝不應

起心怨恨汝但當以法故生恭敬心莫起猒  
懈意常應隨逐法師尔時薩陀波菴菩薩受  
是空中教已從是東行不久復作是念我云  
何不問空中聲我當何處去去當遠近當從  
誰聞般若波羅蜜是時即任啼哭憂愁作是  
念我住是中過一日一夜若二三四五六七  
日七夜於此中住不念疲極乃至不念飢渴  
寒熱不聞聽受般若波羅蜜因緣終不起也  
須菩提譬如人有一子卒死憂愁苦毒唯懷  
懊惱不生餘念如是須菩提薩陀波菴菩薩  
尔時無有異心但念我何時當得聞般若波  
羅蜜我云何不問空中聲我應何處去去當

遠近當從誰聞般若波羅蜜須善發薩陀波  
崙菩薩如是愁念時空中有佛語薩陀波崙  
菩薩言善哉善哉善男子過去諸佛行菩薩  
道時求般若波羅蜜亦如汝今日善男子汝  
以是勤精進愛樂法故從是東行去此五百  
由旬有城名衆香其城七重七寶莊嚴臺觀  
欄楯皆以七寶校飾七寶之塹七寶行樹周  
帀七重其城縱廣十二由旬豐樂安靜人民  
熾盛五百由旬街巷相當端嚴如畫橋津如  
地寬博清淨七重城上皆有七寶樓櫓寶樹  
行列以黃金白銀磑礫碼瑙珊瑚琉璃玻瓈  
紅色真珠以爲枝葉寶繩連綿金爲鈴網以

覆城上風吹鈴聲其音和雅辟如坊作五樂  
甚可喜樂金網寶鈴其音如是以樂衆生其  
城四邊流池清淨冷暖調適中有諸船七寶  
嚴飾是諸衆生宿業所致乘此寶船娛樂遊  
戲諸池水中種種蓮華青黃赤白衆雜好華  
遍覆水上是三千大千世界所有衆華皆在  
其中其城四邊有五百園觀七寶莊嚴甚可  
愛樂一一園中各有五百池水池水各各縱  
廣十里皆以七寶校成雜色莊嚴諸池水中  
亦有青黃赤白蓮華弥覆水上是諸蓮華大  
如車輪青色青光黃色黃光赤色赤光白色  
白光諸池水中鳧鴈鴛鴦異類衆鳥音聲相

和是諸園觀適無所屬是諸衆生宿業所致  
長夜信樂深法行般若波羅蜜因緣故受是  
果報善男子是衆香城中有大高臺臺無竭菩  
薩摩訶薩宮舍在上其宮縱廣一由旬皆以  
七寶校成雜色莊嚴甚可喜樂垣墻七重皆  
亦七寶七寶欄楯七寶樓閣寶灑七重皆以  
七寶周帀深漸七寶累成七重行樹七寶枝  
葉七重圍遶其宮舍中有四種娛樂園一名  
常喜二名離憂三名華飾四名香飾一一園  
中各有八池一名賢二名賢上三名歡喜四  
名喜上五名安隱六名多安隱七名遠離八  
名阿鞞跋致諸池四邊面各一寶黃金白銀

瑠璃玻瓈玫瑰爲池底其上布金沙一一池側有八梯陛種種妙寶以爲嚴飾諸梯陛間有閻浮檀金芭蕉行樹一切池中種種蓮化青黃赤白彌覆水上諸池四邊生好華樹風吹諸華墮池中其池成就八功德水香若栴檀色味具足輕且柔軟曇無竭菩薩與六萬八千姝女五欲具足共相娛樂及城中男女俱入常喜等園賢等池中五欲具足共相娛樂善男子曇無竭菩薩與諸姝女遊戲娛樂已日三時說般若波羅蜜衆香城內男女大小於其城中多聚人處敷大法座其座四足或以黃金或以白銀或以琉璃或以玻瓈

敷以統縵雜色網縵垂諸幃帶以妙白氎而  
覆其上散以種種雜妙華香座高五里張白  
珠帳其地四邊散五色華燒衆名香澤香  
塗地供養恭敬般若波羅蜜故曇無竭菩  
薩於此座上說般若波羅蜜彼諸人衆如  
是恭敬供養曇無竭爲聞般若波羅蜜故  
於是大會百千萬衆諸天世人一處和集中  
有聽者中有受者中有持者中有誦者中有  
書者中有正觀者中有如說行者是時衆生  
以是因緣故皆不墮惡道不退轉於阿耨多  
羅三藐三菩提汝善男子往詣曇無竭菩薩  
所當聞般若波羅蜜善男子曇無竭菩薩世

世是汝善知識能教汝阿耨多羅三藐三菩  
提示教利喜是曇無竭菩薩本求般若波羅  
蜜時亦如汝今汝去莫計晝夜莫生障礙心  
汝不久當得聞般若波羅蜜尔時薩陀波菴  
菩薩摩訶薩歡喜心悅作是念我當何時得  
見是善男子得聞般若波羅蜜須菩提辟如  
有人爲毒箭所中更無餘念唯念何時當得  
良醫拔出毒箭除我此苦如是須菩提薩陀  
波菴菩薩摩訶薩更無餘念但作是願我何  
時當得見曇無竭菩薩令我得聞般若波羅  
蜜我聞是般若波羅蜜斷諸有心是時薩陀  
波菴菩薩於是處任念曇無竭菩薩一切法

中得無礙智見即得無量三昧門現在前所謂諸法性觀三昧諸法性不可得三昧破諸法無明三昧諸法不異三昧諸法不壞自在三昧諸法能照明三昧諸法離暗三昧諸法無異相續三昧諸法不可得三昧散華三昧諸法無我三昧如幻威勢三昧得如鏡像三昧得一切衆生語言三昧一切衆生歡喜三昧入分別音聲三昧得種種語言字句莊嚴三昧無畏三昧性常默然三昧得無礙解脫三昧離塵垢三昧名字語句莊嚴三昧見諸法三昧諸法無礙頂三昧如虛空三昧如金剛三昧不畏著色三昧得勝三昧轉眼三昧

畢法性三昧能與安隱三昧師子吼三昧勝  
一切衆生三昧華莊嚴三昧斷疑三昧隨一  
切堅固三昧出諸法得神通力無畏三昧能  
達諸法三昧諸法財印三昧諸法無分別見  
三昧離諸見三昧離一切暗三昧離一切相  
三昧解脫一切著三昧除一切懈怠三昧得  
深法明三昧不可奪三昧破魔三昧不著三  
界三昧起光明三昧見諸佛三昧如是薩陁  
波崙菩薩住是諸三昧中即見十方無量阿  
僧祇諸佛爲諸菩薩摩訶薩說般若波羅蜜  
是時十方諸佛安慰薩陁波崙菩薩言善哉  
善哉善男子我等本行菩薩道時求般若波

羅蜜得是諸三昧亦如汝今所得我等得是  
諸三昧善入般若波羅蜜成就方便力任阿  
維越致地我等觀是諸三昧性不見有法出  
三昧入三昧者亦不見行佛道者亦不見得  
阿耨多羅三藐三菩提者善男子是名般若  
波羅蜜所謂不念有是諸法善男子我等於  
無所念法中任得是金色身大光明三十二  
相八十隨形好不可思議智慧無上戒無上  
三昧佛無上智慧一切功德皆悉具足一切功  
德具足故佛尚不能取相說盡何況聲聞辟  
支佛及諸餘人以是故善男子於是佛法中  
倍應恭敬愛念生清淨心於善知識中應生

如佛想何以故爲善知識守護故菩薩疾得  
阿耨多羅三藐三菩提是時薩陀波菴菩薩  
白十方諸佛言何等是我善知識所應親近  
供養者十方諸佛告薩陀波菴菩薩言汝善  
男子曇無竭菩薩卅卅教化成就汝阿耨多  
羅三藐三菩提曇無竭菩薩守護汝教汝般  
若波羅蜜方便力是汝善知識汝供養曇無  
竭菩薩若一劫若二劫若三劫乃至過百劫  
頂戴恭敬以一切樂具三千世界中所有妙  
色聲香味觸盡以供養未能報須臾之恩何  
以故曇無竭菩薩摩訶薩因緣故令汝得如  
是等諸三昧得般若波羅蜜方便力諸佛如

是教化安慰薩陀波菴菩薩今歡喜已忽然  
不現是時薩陀波菴菩薩從三昧起不復見  
佛作是念是諸佛從何所來去至何所不見  
諸佛故復惆悵不樂誰斷我疑復作是念曇  
無竭菩薩久遠以來常行般若波羅蜜得方  
便力及諸陀羅尼於菩薩法中得自在多供  
養過去諸佛世世爲我師常利益我我當問  
曇無竭菩薩諸佛從何所來去至何處尔時  
薩陀波菴菩薩於曇無竭菩薩生恭敬愛樂  
尊重心作是念我當以何供養曇無竭菩薩  
今我貧窮無華香瓔珞燒香澤香衣服幡蓋  
金銀真珠琉璃玻瓈珊瑚琥珀無有如是等

物可以供養般若波羅蜜及說法師曇無竭  
菩薩我法不應空往曇無竭菩薩所我若空  
往喜悅心不生我當賣身得財爲般若波羅  
蜜故供養法師曇無竭菩薩何以故我世世  
喪身無數無始生死中或死或賣或爲欲因  
緣故世世在地獄中受無量苦惱未曾爲清  
淨法故爲供養說法師故喪身是時薩陀波  
崙菩薩中道入一大城至市肆上高聲唱言  
誰欲湏人誰欲湏人誰欲買人尔時惡魔作  
是念是薩陀波崙愛法故欲自賣身爲般若  
波羅蜜故供養曇無竭菩薩當得正問般若  
波羅蜜及方便力云何菩薩摩訶薩行般若

波羅蜜疾得阿耨多羅三藐三菩提當得多  
聞具足如大海水是時不可沮壞得具足一  
切功德饒益諸菩薩摩訶薩爲阿耨多羅三  
藐三菩提故過我境界亦教餘人出我境界  
得阿耨多羅三藐三菩提我今當壞其事尔  
時惡魔隱蔽諸婆羅門居士令不聞其自賣

之聲除一長者女魔不能蔽以其宿因緣故  
尔時薩陀波菴賣身不售憂愁啼哭在一面  
立涕泣流淚而言我爲大罪賣身不售我自  
賣身爲般若波羅蜜故供養曇無竭菩薩尔  
時釋提桓因作是念是薩陀波菴菩薩受法  
自賣其身爲般若波羅蜜故欲供養曇無竭

菩薩我當試之知是善男子實以深心愛法  
故捨是身不是時釋提桓因化作婆羅門身  
在薩陁波菴菩薩邊行已問言汝善男子何  
以憂愁啼哭顏色憔悴在一面立荅言婆羅  
門我愛敬法自賣身爲般若波羅蜜故欲供  
養曇無竭菩薩今我賣身無有買者自念薄  
福無有財寶欲自賣身供養般若波羅蜜及  
曇無竭菩薩而無買者尔時婆羅門語薩陁  
波菴菩薩言善男子我不須人我今欲祠天  
當須人心人血人髓汝能賣與我不尔時薩  
陁波菴菩薩作是念我今得是買心血髓者  
爲得大利我得第一利我今便爲具足般若

波羅蜜方便力得是買心血髓者是時心大  
歡喜悅樂無憂以柔和心語婆羅門言汝所  
須者我盡與汝婆羅門言善男子汝須何  
價荅言隨汝意與我即時薩陁波菴右手執  
利刀刺左臂出血割右髀肉復欲破骨出髓  
時有一長者女在閣上遙見薩陁波菴菩薩  
自割身體不惜壽命作是念是善男子何因  
緣故困苦其身我當往問長者女即下閣到  
薩陁波菴所問言善男子何因緣困苦其身  
用是心血髓作何等薩陁波菴荅言賣與婆  
羅門爲般若波羅蜜故供養曇無竭菩薩長  
者女言善男子作是賣身欲自出心血髓欲

供養曇無竭菩薩得何等功德。利薩陀波菴  
答言善女人是人善學般若波羅蜜及方便  
力是人當爲我說菩薩所應作菩薩所行道  
我學是法學是道得阿耨多羅三藐三菩提  
時爲衆生作依止當得金色身三十二相八  
十隨形好丈光無量明大慈大悲大喜大捨  
四無所畏佛十力四無礙智十八不共法六  
神通不可思議清淨戒禪定智慧得阿耨多  
羅三藐三菩提於諸法中得一切無礙智見  
以無上法寶分布與一切衆生如是等諸功  
德。利我當從彼得之。是時長者女聞是上妙  
佛法大歡喜心驚毛豎語薩陀波菴菩薩言

善男子甚希有汝所說者微妙難值爲是一  
一功德法故應捨如恒河沙等身何以故汝  
所說者甚大微妙汝善男子汝今所須盡當  
相與金銀真珠瑠璃玻瓈琥珀珊瑚等諸珍  
寶物及華香瓔珞塗香幡蓋衣服伎樂等  
物供養之具供養般若波羅蜜及曇無竭菩薩  
汝善男子莫自困苦其身我亦欲往曇無竭  
菩薩所共汝植諸善根爲得如是微妙法如  
汝所說故今時釋提桓因即復本身讚薩陀  
波崙菩薩言善哉善哉善男子汝堅受是事  
其心不動諸過去佛行菩薩道時亦如是求  
般若波羅蜜及方便力得阿耨多羅三藐三

善提善男子我實不用人心血髓但來相試  
汝願何等我當相與薩陁波菴言與我阿耨  
多羅三藐三菩提釋提桓因言此非我力所  
辦是諸佛境界必相供養更索餘願薩陁波  
菴言汝若於此無力必見供養令我身平  
復如故是時薩陁波菴身即平復無有瘡癩  
如本不異釋提桓因與其願已忽然不現尔  
時長者女語薩陁波菴菩薩言善男子來到  
我舍有所須者從我父母索之盡當相與我  
亦當辭我父母與諸侍從共汝往供養曇無  
竭菩薩為求法故即時薩陁波菴菩薩與長  
者女俱到其舍在門外任長者女入白父母

與我衆妙華香及諸瓔珞塗香燒香幡蓋衣  
服金銀琉璃玻瓈真珠虎珀珊瑚及諸伎樂  
供養之具亦聽我身及五百侍女先所給使  
共陁陁波菴菩薩到曇無竭菩薩所爲供養  
般若波羅蜜故曇無竭菩薩當爲我等說法  
我當如說行當得諸佛法女父母語女言陁  
陁波菴菩薩是何等人女言是人今在門外  
是善男子以深心求阿耨多羅三藐三菩提  
欲度一切衆生無量生死苦是善男子爲法  
故自賣其身供養般若波羅蜜般若波羅蜜  
名菩薩所學道爲供養般若波羅蜜及供養  
曇無竭菩薩故在市肆上高聲唱言誰欲須

人誰欲須人誰欲買人賣身不售在一面立  
憂愁啼哭是時釋提桓因化作婆羅門來欲  
試之問言善男子何以憂愁啼哭在一面立  
答言婆羅門我欲賣身為供養般若波羅蜜  
及曇無竭菩薩摩訶薩故而我薄福賣身不  
售婆羅門語是善男子我不須人我欲祠天  
當用人心人血人髓汝能賣不是時是善男  
子不復憂愁其心和悅語是婆羅門如汝之  
所須我盡相與婆羅門言汝須何價答言隨  
汝意與我即時是善男子右手執利刀刺左  
臂出血割右髀肉復欲破骨出髓我在閣上  
遙見是事我尔時作是念是人何故困苦其

身我當往問我即下閣往問善男子汝何因  
緣故自困苦其身是善男子答我言姊我爲  
法故欲供養般若波羅蜜及曇無竭菩薩說  
法者我貧窮無所有無金銀琉璃車磑馬碓  
珊瑚琥珀玻璃真珠華香伎樂姊我爲供養  
法自賣其身今得買者須人心人血人髓我  
用是價供養般若波羅蜜及曇無竭菩薩說  
法者我問是善男子汝今自出身心血髓欲  
供養曇無竭菩薩得何功德是善男子言曇  
無竭菩薩當爲我說般若波羅蜜及方便力  
此是菩薩所應學菩薩所應作菩薩所應行  
道我當學是道得阿耨多羅三藐三菩提爲

一切衆生作依止我當得金色身三十二相  
八十隨形好丈光無量明大慈大悲大喜大  
捨四無所畏四無礙智佛十力十八不共法  
六神通不可思議清淨戒禪定智慧得阿耨  
多羅三藐三菩提於諸法中得一切無礙智  
見以無上法寶分布與一切衆生如是等微  
妙大法我當從彼得之我聞是微妙不可思  
議法諸佛功德聞其大願我心歡喜作是念  
是大清淨微妙最大甚大希有乃如是爲是  
一一法故應捨如恒河沙等身命善男子爲  
法能受苦行難事所謂不惜身命我多有妙  
寶云何而不生願勤求如是法供養般若若波

羅蜜及曇無竭菩薩我如是思惟已語薩陁  
波崙菩薩汝善男子莫困苦其身我當白我  
父母多與汝金銀瑠璃碑礫碼碯珊瑚琥珀  
玻瓈真珠華香瓔珞塗香末香衣服幡蓋及  
諸伎樂供養般若波羅蜜及曇無竭菩薩說  
法者我亦求父母與諸侍女共汝俱去供養  
曇無竭菩薩說法者共汝植諸善根為得如  
是等微妙清淨法如汝所說父母今聽我并  
五百侍女先所給者亦聽我持衆妙華香瓔  
珞塗香末香衣服幡蓋伎樂金銀瑠璃供養  
之具與薩陁波崙菩薩共去供養般若波羅  
蜜及曇無竭菩薩說法者為得如是等清淨

微妙諸佛法故。尔時父母報女言。汝所讚者。希有難及。說是善男子為法精進大樂法。相及是諸佛法不可思議。一切世間最為第一。一切衆生歡樂。因緣是善男子為是法故。大誓莊嚴我等。聽汝往見曇無竭菩薩。親近供養。汝發大心。為得佛故。如是精進我等云何當不隨喜。是女為供養曇無竭菩薩。故得蒙聽許。報父母言。我等亦隨是心歡喜。我終不斷人善法。因緣是時長者女莊嚴七寶車。五百乘身及侍女。種種寶物莊嚴。供養之具。持種種水。陸生華及金銀寶華。衆色寶衣。好香。搗香。澤香。瓔珞及衆味飲食。共薩陀波菴菩。

薩五百侍女各載一車恭敬圍遶漸漸東去  
見衆香城七寶莊嚴七重圍遶七寶之漸七  
寶行樹皆亦七重其城縱廣十二由旬豐樂  
安靜甚可喜樂人民熾盛五百市里街巷相  
當端嚴如畫橋津如地寬博清淨遙見衆香  
城旣入城中見曇無竭菩薩坐高臺法座上  
無量百千萬億衆恭敬圍遶說法薩陀波菴  
菩薩見曇無竭菩薩時心即歡喜辭如比丘  
入第三禪攝心安隱見已作是念我等義不  
應載車趣曇無竭菩薩作是念已下車步進  
長者女并五百侍女皆亦下車薩陀波菴菩  
薩與長者女及五百侍女衆寶莊嚴圍遶恭

敬俱到曇無竭菩薩所。爾時曇無竭菩薩摩訶薩有七寶臺。赤牛頭栴檀以為莊嚴。真珠羅網以覆臺上。四角皆懸摩尼珠寶。以為燈明。及四寶香鑪。常燒名香。為供養般若波羅蜜。故其臺中有七寶大牀。四寶小牀。重敷其上。以黃金牒書般若波羅蜜。置小牀上。種種幡蓋莊嚴。垂覆其上。薩陀波菴菩薩及諸女人見是妙臺。眾寶嚴飾。及見釋提桓因與無量百千萬諸天。以天曼陀羅華碎末栴檀磨眾寶屑。以散臺上。鼓天伎樂於虛空中娛樂。此臺。爾時薩陀波菴菩薩問釋提桓因言。憍尸迦。何因緣故與無量百千萬諸天。以天曼

隨羅華碎末栴檀磨衆寶屑以散臺上鼓天  
伎樂於虛空中娛樂此臺釋提桓因荅言汝  
善男子不知耶此是摩訶般若波羅蜜是諸  
菩薩摩訶薩母能生諸佛攝持菩薩菩薩學  
是般若波羅蜜成就一切諸功德得諸佛法  
一切種智是時薩陀波崙即歡喜悅樂問釋  
提桓因言憍尸迦是般若波羅蜜諸菩薩摩  
訶薩母能生諸佛攝持菩薩菩薩學是般若  
波羅蜜成就一切功德得諸佛法一切種智  
今在何處釋提桓因言善男子是臺中有七  
寶大牀四寶小牀重敷其上以黃金牒書般  
若波羅蜜置小牀上曇無竭菩薩以七寶印

印之我等不能得開以示汝是時薩陀波菴  
與長者女及五百侍女取供養具華香瓔珞  
幡蓋分作二分一分供養般若波羅蜜一分  
供養法座上曇無竭菩薩爾時薩陀波菴菩  
薩與五百女人持華香瓔珞幡蓋伎樂及諸  
珍寶供養般若波羅蜜已然後向曇無竭菩  
薩所到已見曇無竭菩薩在法座上坐以諸  
華香瓔珞擣香澤香金銀寶華幡蓋寶衣散  
曇無竭菩薩上為法故供養是時諸華香寶  
衣於曇無竭菩薩上虛空中化成華臺碎末  
栴檀寶屑金銀寶華化成寶帳寶帳之上所  
散種種寶衣化為寶蓋寶蓋四邊垂諸寶幡

薩陁波崙及諸女人見是曇無竭菩薩所作  
變化大歡喜作是念未曾有也曇無竭大師  
神德乃示行菩薩道時神通力尚能如是何  
況得阿耨多羅三藐三菩提時是時長者女  
及五百女人清淨信心敬重曇無竭菩薩皆  
發阿耨多羅三藐三菩提心作是願言如曇  
無竭菩薩得菩薩諸深法如曇無竭菩薩供  
養般若波羅蜜如曇無竭菩薩於大眾中演  
說顯示般若波羅蜜義如曇無竭菩薩得般  
若波羅蜜方便力成就神通於菩薩事中得  
自在我等亦當如是是時薩陁波崙菩薩及  
五百女人華香寶物供養般若波羅蜜及曇

無竭菩薩已頭面禮曇無竭菩薩合掌恭敬  
一面立一面立已白曇無竭菩薩言我本求  
般若波羅蜜時於空閑林中聞空中聲音善  
男子汝從是東行當得聞般若波羅蜜我受  
是語東行東行不久作是念我何不問空中  
聲我當何處去去是遠近當從誰聞我是時  
大憂愁啼哭於是處住七日七夜憂愁故乃  
至不念飲食但念我何時當得聞般若波羅  
蜜我如是憂愁一心念般若波羅蜜見佛身  
在虛空中語我言善男子汝大欲大精進心  
莫放捨以是大欲大精進心從是東行去此  
五百由旬有城名衆香是中有菩薩摩訶薩

名曇無竭從是人所當得聞般若波羅蜜是  
曇無竭菩薩世世是汝善知識常守護汝我  
從佛受教誨已便東行更無餘念但念我何  
時當見曇無竭菩薩為我說般若波羅蜜我  
尔時中道住於一切法中得無礙智見得觀  
諸法性等諸三昧門現在前住是三昧已見  
十方無量阿僧祇諸佛說是般若波羅蜜諸  
佛讚我言善哉善哉善男子我本求般若波  
羅蜜時得諸三昧亦如汝今日得是諸三昧  
已遍得諸佛法諸佛為我廣說法安慰我已  
忽然不現我從三昧起作是念諸佛從何處  
來去至何所我不見諸佛故大愁憂復作是

念曇無竭菩薩供養先佛植善根久行般若波  
羅蜜善知方便力於菩薩道中得自在是我  
善知識守護我我當問曇無竭菩薩是事諸  
佛從何所來去至何所我今問大師是諸佛  
從何處來去至何處大師為我說諸佛所從  
來所至處今我得知知已亦常不離見諸佛

摩訶般若波羅蜜經曇無竭品第八十九

今時曇無竭菩薩摩訶薩語薩陀波菴菩薩  
言善男子諸佛無所從來去亦無所至何以  
故諸法如不動相諸法如即是佛善男子無  
生法無來無去無生法即是佛無滅法無來  
無去無滅法即是佛實際法無來無去實際

法即是佛空無來無去空即是佛善男子無  
染無來無去無染即是佛寂滅無來無去寂  
滅即是佛虛空性無來無去虛空性即是佛  
善男子離是諸法更無佛諸佛如諸法如一  
如無分別善男子是如常一無二無三出諸  
數法無所有故譬如春末月日中熱時有人  
見焰動逐之求水望得於汝意云何是水從  
何池何山何泉來今何所去若入東海西海  
南海北海耶薩陀波菴言大師焰中尚無水  
云何當有來處去處曇無竭菩薩語薩陀波  
菴菩薩言善男子愚夫無智爲熱渴所逼見  
焰動無水生水想善男子若有人分別諸佛

有來有去當知是人皆是愚夫何以故善男子諸佛不可以色身見諸佛法身無來無去諸佛來處去處亦如是善男子譬如幻師幻作種種若象若馬若牛若羊若男若女如是等種種諸物於汝意云何是幻事從何處來去至何所薩陁波菴菩薩言大師幻事無實云何當有來處去處善男子是人分別佛有來有去亦如是善男子譬如夢中見若象若馬若牛若羊若男若女於汝意云何夢中所見有來處有去處不薩陁波菴言大師是夢中所見虛妄云何當有來去善男子若人分別佛有來有去亦如是善男子佛說諸法如

夢若有衆生不知諸法如夢以名字色身是  
佛是人分別諸佛有來有去不知諸法實際  
相故皆是愚夫無智之數是諸人數數往來  
五道遠離般若波羅蜜遠離諸佛法善男子  
佛說諸法如幻如夢若有衆生如實知是人  
不分別諸法若來若去若生若滅若不分別  
諸法若來若去若生若滅則能知佛所說諸  
法實相是人行般若波羅蜜近阿耨多羅三  
藐三菩提名爲真佛弟子不虛妄食人信施  
是人應受供養爲世間福田善男子譬如大  
海水中諸寶不從東方來不從南方西方北  
方四維上下來衆生善根因緣故海生此寶

此寶亦不無因緣而生是寶皆從因緣和合  
生是寶若滅亦不去至十方諸緣合故有諸  
緣離故滅善男子諸佛身亦如是從本業因  
緣果報生生時不從十方來滅時亦不去至  
十方但諸緣合故有諸緣離故滅善男子譬  
如箜篌聲出時無來處滅時無去處衆緣和  
合故生有槽有頸有皮有弦有柱有根有人  
以手鼓之衆緣和合而有是聲是聲亦不從  
槽出不從頸出不從皮出不從弦出不從根  
出亦不從人手出衆緣和合尔乃有聲是因  
緣離時亦無去處善男子諸佛身亦如是從  
無量功德因緣生不從一因一緣一功德生亦

不無因緣有衆緣和合故有諸佛身不獨從  
一事成來無所從去無所至善男子應當如  
是知諸佛來相去相善男子亦當知一切法  
無來去相汝若知諸佛及諸法無來無去無  
生無滅相必得阿耨多羅三藐三菩提亦能  
行般若波羅蜜及方便力尔時釋提桓因以  
天曼陀羅華與薩陀波菴菩薩摩訶薩作是  
言善男子以是華供養曇無竭菩薩摩訶薩  
我應當守護供養汝所以者何汝因緣力故  
今日饒益百千万億衆生使得阿耨多羅三  
藐三菩提善男子如是善人甚爲難遇爲饒  
益一切衆生故無量阿僧祇劫受諸勤苦薩

陀波崙菩薩摩訶薩受釋提桓因曼陀羅華  
散曇無竭菩薩上白言大師我從今日以身  
屬師供給供養如是白已合掌師前立是時  
長者女及五百侍女白薩陀波崙菩薩言我  
等從今日亦以身屬師我等以是善根因緣  
故當得如是法亦如師所得共師世世供養

諸佛世世常供養師是時薩陀波崙菩薩語  
長者女及五百女人若汝等以至誠心屬我  
者我當受汝諸女言我等以至誠心屬師當  
隨師教是時薩陀波崙菩薩及五百女人并  
諸莊飾寶物上妙供具及五百乘七寶車奉  
上曇無竭菩薩白言大師我持是五百女人

奉給大師是五百乘車隨師所用。爾時釋提  
桓因讚薩陀波菴菩薩言：善哉善哉善男子，  
菩薩摩訶薩捨一切所有，應如是如是布施，  
疾得阿耨多羅三藐三菩提。作如是供養說  
法人，必能得聞般若波羅蜜及方便力。過去  
諸佛本行菩薩道時，亦是任布施中得聞  
般若波羅蜜及方便力，得阿耨多羅三藐三  
菩提。爾時曇無竭菩薩欲令薩陀波菴菩薩  
善根具足，故受五百乘車及長者女及五百  
侍女。受已，還與薩陀波菴菩薩。是時曇無竭  
菩薩說法日沒起入宮中，薩陀波菴菩薩摩  
訶薩作是念：我為法故來，不應坐卧。當以二

儀若行若立以待法師從宮中出說法介時  
曇無竭菩薩七歲一心入無量阿僧祇菩薩  
三昧中及行般若波羅蜜方便力薩陁波菴  
菩薩七歲經行住立不坐不卧無有睡眠無  
欲恚惱心不著味但念曇無竭菩薩摩訶薩  
何時當從三昧起出而說法薩陁波菴菩薩  
過七歲已作是念我當爲曇無竭菩薩摩訶  
薩敷說法座曇無竭菩薩摩訶薩當坐上說  
法我當灑掃清淨散種種華莊嚴是處爲曇  
無竭菩薩摩訶薩當說般若波羅蜜及方便  
力故是時薩陁波菴菩薩與長者女及五百  
侍女爲曇無竭菩薩摩訶薩敷七寶牀五百

女人各脫上衣以敷座上作是念曇無竭菩薩摩訶薩當坐此座上說般若波羅蜜及方便力薩陁波菴菩薩敷座已求水灑地而不能得所以者何惡魔隱蔽令水不現魔作是念薩陁波菴菩薩求水不得於阿耨多羅三藐三菩提乃至生一念劣心異心則智慧不照善根不增於一切智而有稽留爾時薩陁波菴菩薩作是念我當自刺其身以血灑地令無塵土來空大師我何用是身此身必當破壞我從無始生死以來數數喪身未曾爲法即以利刀自刺出血灑地薩陁波菴菩薩及長者女并五百侍女皆無異心惡魔亦不

能得便是時釋提桓因作是念未曾有也薩  
陁波菴菩薩愛法乃爾以刀自刺出血灑地  
薩陁波菴及衆女人心不動轉惡魔波旬不  
能壞其善根其心堅固發大莊嚴不惜身命  
以深心欲求阿耨多羅三藐三菩提當度一  
切衆生無量生死苦釋提桓因讚薩陁波菴  
菩薩言善哉善哉善男子汝精進力大堅固  
難動不可思議汝愛法求法最爲無上善男  
子過去諸佛亦如是以深心愛法惜法重法  
集諸功德得阿耨多羅三藐三菩提薩陁波  
菴菩薩作是念我爲曇無竭菩薩摩訶薩敷  
法座掃灑清淨已訖當於何處得好名華莊

嚴此地若曇無竭菩薩摩訶薩法座上坐說法時亦當散華供養釋提桓因知薩陀波菴菩薩心所念即以三千石天曼陀羅華與薩陀波菴薩陀波菴受華已以半散地留半待曇無竭菩薩摩訶薩坐法座上說法時當供養爾時曇無竭菩薩摩訶薩過七歲已從諸三昧起爲說般若波羅蜜故與無量百千萬衆恭敬圍遶往法座上坐薩陀波菴菩薩見曇無竭菩薩摩訶薩時心得悅樂譬如比丘入第三禪爾時薩陀波菴菩薩及長者女并五百侍女到曇無竭菩薩摩訶薩所散天曼陀羅華頭面禮畢退坐一面曇無竭菩薩見

其坐已告薩陁波菴菩薩言善男子諦聽諦  
受今當爲汝說般若波羅蜜相善男子諸法  
等故當知般若波羅蜜亦等諸法離故當知  
般若波羅蜜亦離諸法不動故當知般若波  
羅蜜亦不動諸法無念故當知般若波羅蜜  
亦無念諸法無畏故當知般若波羅蜜亦無  
畏諸法一味故當知般若波羅蜜亦一味諸  
法無邊故當知般若波羅蜜亦無邊諸法無  
生故當知般若波羅蜜亦無生諸法無滅故  
當知般若波羅蜜亦無滅虛空無邊故當知  
般若波羅蜜亦無邊大海水無邊故當知般若  
波羅蜜亦無邊須彌山莊嚴故當知般若波羅

蜜亦莊嚴虛空無分別故當知般若波羅蜜  
亦無分別色無邊故當知般若波羅蜜亦無  
邊受想行識無邊故當知般若波羅蜜亦無  
邊地種無邊故當知般若波羅蜜亦無邊水  
種火種風種無邊故當知般若波羅蜜亦無  
邊空種無邊故當知般若波羅蜜亦無邊如  
金剛等故當知般若波羅蜜亦等諸法無分  
別故當知般若波羅蜜亦無分別諸法性不  
可得故當知般若波羅蜜性亦不可得諸法  
無所有等故當知般若波羅蜜亦無所有等  
諸法無作故當知般若波羅蜜亦無作諸法  
不可思議故當知般若波羅蜜亦不可思議

是時薩陁波菴菩薩摩訶薩即於坐處得諸  
三昧所謂諸法等三昧諸法離三昧諸法無  
畏三昧諸法一味三昧諸法無邊三昧諸法  
無生三昧諸法無滅三昧虛空無邊三昧大  
海水無邊三昧須彌山莊嚴三昧虛空無分  
別三昧色無邊三昧受想行識無邊三昧地  
種無邊三昧水種火種風種空種無邊三昧  
如金剛等三昧諸法無分別三昧諸法不可  
思議三昧如是等得六百萬諸三昧明佉時  
佛告須菩提如我今於三千大千世界中與  
諸比丘僧圍遶以是相以是像貌以是名字  
說般若波羅蜜薩陁波菴得是六百萬三昧

門見東方南方西方北方四維上下如恆河  
沙等三千大千世界中諸佛與諸比丘恭敬  
圍遶以如是相如是像貌如是名字說是摩  
訶般若波羅蜜亦如是薩陁波菴菩薩從是  
以後多聞智慧不可思議如大海水常不離  
諸佛生於有佛國中乃至夢中未曾不見佛  
時一切衆難皆悉已斷在所佛國隨願往生須  
菩提當知是般若波羅蜜因緣能成就菩薩摩  
訶薩一切功德得一切種智以是故須菩提諸菩  
薩摩訶薩若欲學六波羅蜜欲深入諸佛智慧  
欲得一切種智應受持是般若波羅蜜讀誦正  
憶念廣為他人說亦書寫經卷供養尊重讚歎

香華乃至伎樂何以故般若波羅蜜是過去  
未來現在十方諸佛母十方諸佛所尊重故  
摩訶般若波羅蜜經囑累品第九十

尔時佛告阿難於汝意云何佛是汝大師不  
汝是佛弟子不阿難言世尊佛是我大師修  
伽陀是我大師我是佛弟子佛言如是如是

我是汝大師汝是我弟子若如弟子所應作  
者汝已作竟阿難汝用身口意慈業供養供  
給我亦常如我意無有違失阿難我身現在  
汝愛敬供養供給心常清淨我滅度後是一  
切愛敬供養供給事當愛敬供養般若波羅  
蜜乃至第二第三以般若波羅蜜囑累汝阿

難汝莫忘莫失莫作最後斷種人阿難隨尔  
所時般若波羅蜜在在者當知尔所時有佛  
在在說法阿難若有書般若波羅蜜受持讀  
誦正憶念為人廣說恭敬尊重讚歎花香幡  
蓋寶衣燈燭種種供養當知是人不離見佛  
不離聞法為常親近佛佛說般若波羅蜜已  
彌勒等諸菩薩摩訶薩慧命須菩提慧命舍  
利弗大目犍連摩訶迦葉富樓那彌多羅尼  
子摩訶拘絺羅摩訶迦旃延阿難等并一切  
大衆及一切世間諸天人乾闥婆阿脩羅等  
聞佛所說皆大歡喜

摩訶般若波羅蜜經卷第三十

波喻

此音論  
下音論  
常帝

籌量

直由

漚和

上鳥

此音魯城便舍羅

欄楯

下時尹反

漸

長坑也

樓櫓

下音魯城便舍羅

冷臠

字下暖

鳧

水音鴨也

相和

去下

聲適無

的上音

玫瑰

玉上音梅

一

古回反

珠

奇回

梯陞

梯下蒲米道也

曇無竭

此上也徒

法含反

統

上阮

反紆

下音延

紕

音因下

音

阻壞

上呂反

作沮

音授賣去

樵悴

下上音

音

祠天

上祭也

音

右脾

下正集也

瘡癥

下音

寶屑

下先節也

音

逼

反米反

數數

所角也

音

音

音

音

音

反弦

音賢正

棍

古本反

音

音

音

音

拘締

天下反

音

音

音

音

音

音

